

L Ö G

um Verðlagsráð sjávarútvegsins.

FORSETI ÍSLANDS

gjörir kunnugt: Að ég, samkvæmt 4. gr. laga nr. 5 15. mars 1967 um breyting á lögum nr. 97 18. desember 1961 um Verðlagsráð sjávarútvegsins og 6. gr. laga nr. 99 21. desember 1973 um breyting á lögum nr. 97 18. desember 1961 um Verðlagsráð sjávarútvegsins, hef látið fella meginmál áðurgreindra laga svo og laga nr. 60 24. desember 1964 inn í lög nr. 97 18. desember 1961 um Verðlagsráð sjávarútvegsins og gef þau út svo breytt:

1. gr.

Verðlagsráð sjávarútvegsins hefur á hendi aðalframkvæmd laga þessara. Sjávarútvegsráðherra skipar í Verðlagsráð eftir tilnefningu eftirtalinna aðila þannig:

- A. Af hálfu fiskisöluaðila: 3 fulltrúar tilnefndir af Landssambandi ísl. útvegsmanna. 1 fulltrúi tilnefndur af Alþýðusambandi Íslands. 1 fulltrúi tilnefndur af Sjómannasambandi Íslands. 1 fulltrúi tilnefndur af Farmanna- og fiskimannasambandi Íslands.
- B. Af hálfu fiskkaupenda: 3 fulltrúar tilnefndir af Sölumiðstöð hraðfrystihúsanna. 1 fulltrúi tilnefndur af Sölusambandi ísl. fiskframleiðenda. 1 fulltrúi tilnefndur af fiskvinnslustöðvum á vegum S.Í.S. 1 fulltrúi tilnefndur af Samlagi skreiðarframleiðenda. 3 fulltrúar tilnefndir af Félagi síldarsaltenda á Norður- og Austurlandi. 1 fulltrúi tilnefndur af stjórn Síldarverksmiðja ríkisins. 2 fulltrúar tilnefndir af Síldarverksmiðjúsamtökum Austur- og Norðurlands. 3 fulltrúar tilnefndir af Félagi síldarsaltenda á Suðvesturlandi. 3 fulltrúar tilnefndir af Félagi síldar- og fiskimjölsverksmiðja á Suður- og Vesturlandi.

Fulltrúar í Verðlagsráði skulu skipaðir til 2ja ára í senn. Varamenn skulu tilnefndir á sama hátt og taka sæti í Verðlagsráði í forföllum skipaðra fulltrúa. Verðlagsráð kýs sér formann og ritara til eins árs í senn, annan úr hópi fiskisöluaðila og hinn úr hópi fiskkaupenda. Skulu þeir ásamt framkvæmdastjóra undirbúa fundi ráðsins.

Heimilt er aðilum þeim, sem tilnefna eiga aðila af hálfu fiskisölu- og fiskkaupaaðila samkvæmt þessari grein, að skipta um fulltrúa sína í Verðlagsráði, eftir því sem þeim þykir rétt, til þess að sjónarmið þeirra fiskseljenda og fiskkaupenda, sem hlut eiga að máli við hverja verðákvörðun, komi sem best fram.

Verðlagsráði er heimilt með samþykki ráðherra að ráða sér framkvæmdastjóra og annað starfsfólk, er annist dagleg störf, eftir því sem þörf krefur.

2. gr.

Við ákvörðun um verð á sjávaraflla skal Verðlagsráð skipað 12 fulltrúum, jafnmörgum frá hvorum aðila skv. 1. gr.

3. gr.

Fiskideild. Þegar ákveða skal verð á sjávaraflla, öðrum en þeim, sem tilgreindur er í 4. og 5. gr. skal Verðlagsráð skipað 6 fulltrúum fiskisöluaðila samkvæmt 1. gr. og 6 fulltrúum fiskkaupenda þannig: 3 frá Sölumiðstöð hraðfrystihúsanna, 1 frá Sölusambandi íslenskra fiskframleiðenda, 1 frá fiskvinnslustöðvum á vegur S.Í.S. og 1 frá Samlagi skreiðarframleiðenda.

Þegar ákveða skal verð á fiskúrgangi úr sjávaraflla öðrum en sild, skal Verðlagsráð skipað 3 fulltrúum söluaðila þannig: 1 frá samtökum sjómanna, sem sé sameiginlega tilnefndur af fulltrúum eftirtalinna aðila í Verðlagsráði: Frá Sjómannasambandi Íslands, Alþýðusambandi Íslands og Farmanna- og fiskimannasambandi Íslands, 1 frá Landssambandi íslenskra útvegsmanna og 1, sem sé sameiginlega tilnefndur af fulltrúum eftirtalinna aðila í Verðlagsráði: Frá Sölumiðstöð hraðfrystihúsanna, Sölusambandi íslenskra fiskframleiðenda, fiskvinnslustöðvum á vegum Sambands íslenskra samvinnufélaga og Samlagi skreiðarframleiðenda, og má síðastnefndi fulltrúinn ekki eiga aðild að kaupum á fiskúrgangi, vera félagsbundinn eða hafa hagsmuna að gæta í samtökum verksmiðja þeirra, er tilnefna fulltrúa kaupenda samkvæmt þessari málsgrein, og 3 fulltrúum kaupenda þannig: 1 frá samtökum sildarverksmiðja á Austur- og Norðurlandi og 2 frá verksmiðjueigendum á Suður- og Vesturlandi.

4. gr.

Síldarsöltunardeild. Þegar ákveða skal verð á sild til söltunar, skal Verðlagsráð skipað 6 fulltrúum fiskisöluaðila samkvæmt 1. gr. og 6 fulltrúum fiskkaupenda þannig: 3 frá Félagi síldarsaltenda á Norður- og Austurlandi og 3 frá Félagi síldarsaltenda á Suðvesturlandi.

5. gr.

Bræðsludeild. Þegar ákveða skal verð á sild og loðnu til bræðslu, svo og öðrum fiski, sem veiddur er eingöngu eða að verulegu leyti til bræðslu, skal Verðlagsráð skipað 6 fulltrúum fiskisöluaðila samkvæmt 1. gr. og 6 fulltrúum fiskkaupenda þannig: 3 frá Félagi síldar- og fiskimjólsværksmiðja á Suður- og Vesturlandi, 2 frá Síldarverksmiðjusamtökum Austur- og Norðurlands og 1 frá Síldarverksmiðjum ríkisins.

Ákveða má með reglugerð að skipta verðlagningu samkvæmt 4. og 5. gr. í verðlagssvæði.

6. gr.

Aðalverkefni Verðlagsráðs eru:

1. að ákveða lágmarksverð á öllum tegundum fersks sjávaraflla, úrgangsfiski og fiskúrgangi, sem seldur er til vinnslu hér á landi eða selja skal í skip eða annað flutningstæki til útflutnings óunninn;
2. að fylgjast með markaðsverði sjávarafurða á erlendum mörkuðum á hverjum tíma;
3. að safna gögnum um framleiðslukostnað hinna ýmsu framleiðslugreina sjávarútvegsins, svo og að safna öðrum þeim gögnum, sem ákvarðandi kunna að vera um verð á sjávaraflla.

7. gr.

Skýlt skal öllum opinberum aðilum, svo sem Fiskifélagi Íslands og Hagstofu Íslands, ásamt útflutningssamtökum fiskframleiðenda, svo og öðrum þeim aðilum, sem hafa með höndum sölu og/eða vinnslu sjávarafurða að láta Verðlagsráði í té allar upplýsingar, er því geta að gagni komið við störf þess og þessir aðilar geta veitt. Samtökum útvegsmanna skal á sama hátt skýlt að láta Verðlagsráði í té allar upplýsingar um reksturskostnað fiskiskipa.

II. KAFLI

Um verðákvarðanir Verðlagsráðs.

8. gr.

Verðlagsráð skal við ákvarðanir sínar um lágmarksverð á sjávaraflla m. a. hafa hliðsjón af markaðsverði sjávarafurða á erlendum mörkuðum, svo og framleiðslukostnaði þeirra.

Skal Verðlagsráð leitast við að ná samkomulagi um lágmarksverð fisktegunda. Verðlagsráð ákveður sjálft verðlagstímabil.

9. gr.

Verðlagsráð skal í störfum sínum vinna að verðákvörðunum svo tímanlega, að verðlagning sjávaraflla liggi fyrir, áður en nýtt verðlagstímabil hefst. Um hvenær verðákvörðun skuli liggja fyrir í síðasta lagi, skal ákveða með reglugerð.

10. gr.

Nú næst ekki einróma samkomulag í Verðlagsráði um verð í einstökum atriðum eða verð sjávaraflla í heild fyrir tilskilinn tíma, og skal þá vísa ágreiningsatriðunum til sérstakrar yfirnefndar. Skal hún skipuð fimm mönnum, tveimur tilnefndum af fiskisöluaðilum í Verðlagsráði, og skal annar tilnefndur úr hópi fulltrúa L.Í.Ú. og má hann ekki eiga aðild að fiskkaupum, vera félagsbundinn eða hafa hagsmuna að gæta í samtökum fiskkaupenda þeirra, sem tilnefna menn í Verðlagsráðið skv. B-lið 1. gr., en hinn úr hópi sjómannafulltrúa, tveimur tilnefndum af fiskkaupendum í Verðlagsráði, og skal a. m. k. annar tilnefndur af þeim aðila, sem ágreiningur er við, og einum oddamanni, sem er forstöðumaður Efnahagsstofnunarinnar eða fulltrúi hans. Þannig skipuð fellir yfirnefndin fullnaðarúrskurð um ágreiningsatriði, og ræður meiri hluti atkvæða úrslitum.

11. gr.

Ákvarðanir Verðlagsráðs eru bindandi sem lágmarksverð, og má enginn selja sjávaraflla undir því verði, sem ákveðið hefur verið samkvæmt ákvæðum þessara laga.

III. KAFLI

Ýmis ákvæði.

12. gr.

Sjávarútvegsráðherra ákveður Verðlagsráðsmönnum þóknun fyrir störf þeirra, og greiðist hún úr Fiskimálasjóði, ásamt öðrum kostnaði við ráðið og starfsemi þess. Frá 1. janúar 1966 greiðist þessi kostnaður úr ríkissjóði.

13. gr.

Sjávarútvegsráðherra setur með reglugerð nánari ákvæði um framkvæmd laga þessara eftir tillögum Verðlagsráðs.

14. gr.

Með mál út af brotum á lögum þessum og reglugerðum, sem settar verða samkvæmt þeim, skal farið sem opinber mál, og varðar brot sektum, nema þyngri refsing liggi við samkvæmt öðrum lögum.

Nú tregðast aðili, sem samkvæmt lögum þessum er skylt að gefa Verðlagsráði skýrslu eða upplýsingar, að láta þær í té, og má þá beita dagsektum frá kr. 500.00 —5000.00, þar til hann uppfyllir skyldur sínar.

Gjört í Reykjavík, 23. júlí 1974.

Kristján Eldjárn.

(L. S.)

Lúðvík Jósepsson.

30. ágúst 1974.

Nr. 82.

AUGLÝSING

um staðfesting forseta Íslands á breyting á reglugerð fyrir Háskóla Íslands, nr. 76/1958, með áorðnum breytingum.

Forseti Íslands féllst hinn 22. ágúst 1974 á tillögu menntamálaráðherra um staðfesta eftirfarandi breyting á reglugerð nr. 76 17. júní 1958 fyrir Háskóla Íslands, með áorðnum breytingum:

1. gr.

40.—41. gr. orðist svo:

40. gr.

I. Kennslugreinar í guðfræðideild eru þessar:

	Vægi í kjarna
Gamla testamenntisfræði	23 e
Nýja testamenntisfræði	38 e
Trúfræði	14 e
Félagsleg siðfræði	14 e
Kirkjusaga	14 e
Almenn trúarbragðafræði	6 e
Kennimannleg guðfræði	16 e

Deildarfundur tekur nánari ákvarðanir um námsþætti í hverri einstakri kennslugrein.

II. Um kjarna, frjálst nám og kjörsvið.

Nám í guðfræði til embættisprófs jafngildir 150 misserisvikustundum eða námseiningum (ein námseining (e) jafngildir vikuvinnustúdenta í námi.) Námsgreinar skiptast í kjarna, frjálst nám og kjörsvið.

Nám í kjarna jafngildir 125 e, í frjálsu námi 10 e og á kjörsviði 15 e.

Í kjarna eru kennslugreinar að jafnaði 1—8 misseri.

Heimilt er, með leyfi deildarinnar, að stunda frjálst nám (10 e) í öðrum deildum Háskólans.

Þegar stúdent er kominn áleiðis í námi skal hann í samráði við kennara velja sér kjörsvið. Skulu kjörgreinar þær er hann velur samtals jafngilda 15 e hið minnsta. Skal hann skrifa stutta ritgerð (að jafnaði ekki lengri en 4000 orð) úr efni kjörsviðs, þar sem hann leggur persónulegt mat á viðfangsefnið.